

Thursday, October 30, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

UNION MOS on IMD

Union Minister Dr Jitendra Singh chuan Indian Meteorological Department in sik leh sa ngun taka an vil thu leh rang taka mipuite hnena hriattirna an chhuah thin chu lawmawm a tih thu a sawi.

Union Minister of State (Independent Charge) for Science & Technology and Earth Sciences Dr Jitendra Singh hian nimin khan IMD chungchang sawiin IMD chuan ngun takin sik leh sa an vil bakah rang takin mipuite hnena hriattirna an chhuah chu mi tin tan a hlut thu a sawi a, hei hian mipuite himna a pek mai bakah huan lo ram nei te leh tualchhunga eizawna hrang hrang thawktute tan himna a pe tih sawiin chhiatrupna lian tham thleng thei lakah mi tin an inrin theih phah ani a ti a, an hmalakna hrang hrang chu chhuanawm atih thu a sawi.

Dr Jitendra Singh chuan IMD hotute chu an hnathawh that chhunzawm zel tura chahin theihtawp chhuaha hmasawn tum zel turin a chah a, an hmalakna hrang hrang zingah tawng tih hmasawn chu a pawimawh tih sawiin tualchhunga cheng a tam ber tena an hriatthiam theih tur chhawp chhuak sak tura chahin tualchhung chanchinbumite ten hemi kawngah hian thawk ho zel turin a chah a ni.



HEALTH MINISTER

Health & Family Welfare Minister Pi Lalrinpuii'n Mizoram damdawi in hrang hrangah pharmacist mamawhna a sang hle a, thingtlang lama PHC ah te chuan Pharmacist post ruak a tam hle a tih sawi.

He thu hi vawiina Blessino Pharmacy Institute a hawna leh Blessino Nursing School 7" Capping, Lamp Lighting & 4th Graduation Ceremony a hmanpuinaah sawiin, Health Minister Pi Lalrinpuii chuan hmanlai atanga vawin thlengin mihringte leh natna an indo chhoh mek karah pharmacy pawh khawvel changkan dan a zirin hma a sawm chho zel a ti a, zirlaite leh zirtirtute chu hemi mila inherrem zel turin a fuih a ni. Health Minister chuan India ah damdawi khuahkhirhna dan hman mek 'The Drug and Cosmetic Act, 1940' leh 'The Drug and Cosmetic Rules, 1945' chuan state sorkar hnenah thuneihna sang tak a pe a ti a, he dan hnuaiah hian damdawi dawr nei tur reng reng chuan pharmacist a nei ngei ngei tur a ni a, hei bakah hian damdawi in hrang hrangah pharmacist mamawhna a sang hle tih sawiin, thingtlang lama PHC ah te chuan Pharmacist post ruak a tam hle a tih sawiin, pharmacist te chu an pawimawh zual zel dawn tih a sawi a ni.

Byte: Health Minister

Health Minister chuan sorkar chuan a thlawna damlo enkawlina Mizoram Universal Health Care Scheme (MUHCS) a kalpui chho mek kalzelah mipui

mamawhna avangin sorkar damdawi in, PHC leh CHC te chu tun aia tangkao zawka mipuiten an hman theihna turin an thuam tha mek zel tih sawiin, Nurse te chu mipui hriselna kawngah an tangkaiin mipuiten an thlamuapui hle tih Health Minister a nih hnuah a hre thar zel a ti a, a pawimawhna chuan mawhphurhna lian tak a ken tel tih hre reng turin nurse zirlaite leh zirchhuak te chu a chah a ni.

Blessino Nursing School hi kum 2019 a din niin batch tinah zirlai 30 zel an awm a, kuminah hian zirlai graduate thar 26, Zirlai thar 30, Nurese Zirlai awm zat 89 leh Pharmacy Zirlai 60 an awm a ni.



MIZO IN 8TH SCHEDULED

Ex MLA Prof J V Hluna'n Mizoram hmunpuia cheng tam zawkte tawng hman chu 8th Scheduled of Indian Constitution a dah anih chuan hnam inpumkhatna a thlen bakah UPSC Exam ah pawh a tangkai dawn hle tih a sawi.

He thu hi MZP kum 90 tlin lawmna inkhawmah sawiin, Prof J V Hluna chuan hnam inpumkhatna atana pawimawh ber nia a hriat chu tawng thuhmun hman a ni tih sawiin, Zosap Missionary te chuan Mizoten tawng thuhmun kan hman theih nana theihtawp an lo chhuah kha a tha hle a ti a, tawng hmasawn chhoh zelah 8th Scheduled a thun turin tawng tam tak a intlar chho mek a, heng zingah hian Mizo tawng pawh a tel tih sawiin, Mizoram hmunpuia chengte tawng hman chu 8th Scheduled of Indian Constitution-ah a tel a nih chuan Mizoram chhehvela chengte pawhin an zir vek a ngai dawn a, chu chu inpumkhatna atan a pawimawh hle a ni a ti a. Mizo tawng chu 8th Scheduled ah dah a nih chuan UPSC-ah pawh MIL ah an Exam thei ang a, a tangkai dawn hle a ni a ti.

Byte: Prof J V Hluna

Prof J V Hluna chuan Zohnahtlak te an lo inpumkhat zawk nan Zohnahtlak tam zawkin tawng an hman tam ber Mizo tawng chu Central sorkarin dan anga a pawmpui theih nan Indian Constitution 8th Scheduled a dah tura hmala turin MZP President hnenah an agenda a telh turin ngenna lehkha a hlan a ni.



PM MODI

Prime Minister Narendra Modi chuan vawiin hian ni hnih cham turin Gujarat a tlawh.

Prime Minister chuan Gujarat a tlawh chhung hian hmasawwna hnathawk hrang hrangte hawngin lungphum a phum dawna. Kevadia Ekta Nagar-ah hmasawwna hnathawh cheng vbch 140 chuang man hu a hawng dawn a. Hei bakah hian project hawn tur zingah Rajpipla-a Birsa Munda Tribal University, Vaman Vriksha Vatika, E-Bus Charging Depot leh Electric Bus 25 te a tel a ni.

